


五





存

手  
續  
三  
本





存吾春室詩牘卷一

桐鄉沈炳垣曉滄

○偶作

桂花香裏讀書閒  
鎮日無人靜掩關  
黃葉不知秋色老  
又隨飛雨下空山

○秋柳四首用漁洋山人韻并序

姑蘓臺畔小立銷魂白  
下門前者番斷盼翠陌則  
題襟志別紅樓則織素杼懷此夜初聞望故園而  
躑躅勸君更飲送征客以徘徊昔賢所詠斯亦夥



小序不減蘭成

矣尔乃青霜欲墮白露未晞當茲樹搖落之辰即  
我輩感傷之日况復千條踈地燕剪其將歸幾  
樹。侵。煙。雅。團。而。欲。下。寒。蟬。無。語。獨。抱。斜。陽。瘦。蝶  
忽飛時兼碎葉回憶尺波繫舫斗酒聽鷓命低唱  
兮。小。紅。請。各。浮。其。大白。而。纏。綿。春。老。憔悴。秋。踈。昨  
夜。西。風。擗。覺。夫。眉。減。翠。積。旬。冷。雨。惟。餘。倦。眼。垂。黃  
訝。彈。汗。之。都。非。欲。祀。饒。而。有。待。樹。猶。如。此。人。何。以  
堪。此。秋。柳。之。作。僕。所。爲。不。能。已。于。言。者。也。纔。罷。長  
吟。即。成。短。引。所。異。裁。花。妙。手。詠。絮。高。才。不。鄙。捉。影

之談而為同聲之應則刻成蠟炬探得驪珠非特  
增韻事于藝林抑亦沐餘光于芳樹也已其詞曰

者。番。秋。到。劇。銷。竟。始。信。春。難。度。玉。門。舊。日。流。鶯。渾。不。語。東  
風。飛。絮。已。無。痕。蕭。蕭。故。壘。閒。斜。照。點。點。歸。雅。認。遠。村。一。自  
隋。堤。聞。落。葉。餘。情。絲。頭。向。誰。論

無復繁華碎錦坊絲。垂老臥斜塘。桃花人面春無影。涼  
月。瓊。闥。夜。有。霜。愁。黛。誰。描。當。日。態。征。衣。怕。寄。舊。時。箱。年。來  
悟。徹。粘。泥。肯。欲。向。空。門。證。法。王

韶華回首記依稀。又覺微寒到客衣。綠汁已難彈指染青

与漁洋另目一  
種  
依此詩核心案



絲共訝少年非瘦。腰多病。渾如昨。癡螭經秋倦。不飛贏得東  
籬伴。叢菊柴桑歸去寸心違。

淒迷如夢復如煙。繞著西風。便可憐。舊事尚餘情脈脈。殘  
絲不盡意。懸懸逢他青眼。方三月。老我秋光。又一年。試向  
短長亭上望。幾枝搖落暮江邊。

○荷花生日歌和曹扶谷三選先生并錄原序

禾俗以六月廿四為荷花生日。是日士女羣集南  
湖中。畫舫笙歌徹夜不絕。好遊者稱盛觀焉。

綠酒紅燈迷處所。煙雨樓頭競歌舞。莫他廿四是生朝。誰

為荷花作此語。此時士女集如雲。此際荷香兩岸聞。騁懷  
游目意繚亂。人影花影俱紛。樓臺面。涵空碧。萬花園。  
繞湖轉窄。有酒須澆塊磊胸。有錢難買笙歌夕。兒家舊住  
鴛湖邊。年々門外種紅蓮。采蓮早識心偏苦。食藕還愁絲  
暗牽。願向花前酌酒。殷勤祝花。知否。但祝花開。盡  
雙不祝花開。如斗秋風一片起。天涯吹入湖頭。萬柄斜  
轉眼。漸看殘粉墮。驚心空有淡煙遮。花落花開真草草。看  
花及時。花正好。落花還有再開時。可惜人生容易老。花乎  
花乎。尔有情。願尔無忘來歲盟。依然開向南湖畔。傍着鴛



鷺過一生

○紅蝶次吳書巖文杰舅氏韻

猶是風流性格存  
臙脂狼藉上眉痕  
輕衫杏子翻雙袖  
小雨桃花夢一邨  
自別朱顏成舊恨  
空教杜宇怨芳魂  
至今萬紫千紅裏  
只合翩翩獨閉門

答虹舫

陰雲蔽遙天  
乾雪堆踈檣  
占候值窮冬  
壯感彌觸振  
伸紙發狂言  
願君垂耳聽  
我年十有二  
攻書畢六經  
獨學懼孤陋  
出交當時英  
弱冠美柔翰  
同輩延虛稱  
學力愧

譎薄寸進慙微名  
徃歲入棘闈得識君  
阿兄立談矮屋間  
舌底蓮吐青文字  
互商推素懷良已  
盟出闈逢湖上覩面  
欣良朋是時秋氣爽  
山水相鮮激登高眺  
南山迴舟指西泠  
勝遊不再得判袂  
登歸程秋風吹桂榜  
落魄青衫仍相見  
各漁倒涕淚暗自零  
云將依予季獻賦  
從北征嗟嗟遠游子  
白髮高堂盈出門  
復何益色養宜親承  
昨聞大椿顏哀慘  
心魂驚苦以事束縛  
絮酒奠何曾涼秋  
九月間聞君旋自京  
鼓棹尚香里握手  
肝膽傾信宿理歸榜  
夢寐勞牽縈前夜  
小窗側花穗燦銀燈  
暗卜故人至佳兆  
非虛徵凌



晨惠然來輝先生柴荆宿君茅舍中夜話忘殘更更出燕  
穢作就正君品評一一摘疵謬若掃塵霾冥昂我螢囊讀  
期我瀛州登藥石苦鍼砭肺腑深篆銘所慙學殖落瓠浮  
百無能廁君伯仲間晉楚視邾滕迺以附庸國而與強敵  
爭輒欲舉偏師奮力攻長城勿小覷江東攘臂呼皆應三  
鼓氣倘竭當即陳犧牲作詩代檄馳一笑君毋憎

○ 題計壽喬楠學博梅花西舍圖 并序

先生古之達觀人也築生壙于聞溪西誅茅數椽  
菴梅百本春秋暇日與素心侶倚樹說詩藉茵酌

酒榜曰梅花西舍因繪圖以徵詩焉

往時踞雪孤山麓萬萼千枝凍苔綠春風一夜到西湖吹  
破枝頭花幾簇湖山回首陳迹空悔不作畫歸匆々忽驚  
踈影落吾手却從紙背生香風聞溪西畔地五畝高築生  
壙大於阜曠達應追陶隱君逍遙不減蒙莊叟平生愛梅  
入骨深雅鉅日夕相追尋尋常桃李俱掃却豈復肯受塵  
埃侵愛花願作花知己與花同生即同死月落參橫翠鳥  
啣翩然醉入羅浮山中蝶夢長春來春去閱時忙他年跨  
鶴歸瑤島留得詩人仙骨香



此意未作人言

○題秋海棠畫團扇

閒階芳意發叢、腸斷何年淚灑紅。一種傾城好顏色，相逢不道已秋風。

○四鼓渡鶯脰湖

一白忽無際，孤舟破冷煙。客情憐永夜，漢影沒中天。密葦遮堤暗，疎星浸水圓。吟詩聲莫朗，恐有老蛟眠。

○沈蕩夜泊

宵深人語出隣舟，耳熟鄉音絮未休。時程璠漁同泊擊柝時驚羣犬吠，觸船徐聽斷冰流。離情搖兀題紅葉，小夢分明伴白

鷗。自笑耽吟清不寐，夜寒孤坐擁衾裯。

○小游仙詩三十首

玉立亭亭水翦瞳，軒題合署廣寒宮。昨從王母瑤池宴，摘得蟠桃一顆紅。

手攀七十二芙蓉，蹋破雲山幾萬重。更向瑤樓高處立，天風吹散髻蓬鬆。

釣得琴高鯉一雙，遺君尺素馭風幢。自將玉塵敲銀紀，驚起花間吠小龐。

恐教小字世人知，却笑飛瓊意太癡。昨夜瑤臺風露冷，記



曾親改夢中詩

玉清朝後躡雲歸回首茫茫下畝微飲罷瓊漿唾餘潘隨  
風散落盡機珠

太華峯頭久隱居遽然一覺夢徐々塵寰螻螻爭蝸角惹  
得先生笑墜驢

紅雲朵殿聽鞭呼勅賜真形五嶽圖忽憶宵來作塵夢玉  
墀跪乞鎮心符

封禪書成近侍齋題將玉檢印金泥枉勞方士求仙藥  
鼎偏教讓犬鷄

雲母圍屏玉砌階譁然躡月上天街似儂小住松風閣夜  
靜惺忪聽墜釵

瑤草琪花特地栽造成樓閣壯蓬萊神仙一輩都無用却  
向人間召鬼扣

漫勞夜々守庚申訪道心堅棄所親誰似壺公能縮地不  
教離別怨紅塵

上清司命拜茅君青鳥傳來寶誥文勅種藍田三萬玉呼  
龍曉起去鋤雲

齊往蓬宮謁至尊悄無人跡掩重門落花滿地蒼苔冷閒



看梳翎卧鶴孫

布卦分宮太乙壇純青爐火轉金丹如何鍊就珠砂粒却與相思子一般

綺語柔懷一例刪清修獨自閉松關倦來偶席秋雲睡知被風吹過幾山

獵、剛風轉九天排闥直上浩無邊書生寒瘦輕於鶴為尔團雲煖補綿

鳳臺春暖倦吹簫碧海深沈鎖寂寥昨夜玉龍行雨過松陰齊看長芝苗

丹篆真符手自鈔倒驅日月縛青蛟年來欲洗凡心淨結箇茅庵傍澗坳

剔髓三番五伐毛暫堪穩步列仙曹莫垂海上珊瑚釣力負瀛洲仗巨螯

雲廊月榭見偏多小夢分明記大羅怪煞三千流弱水通詎何處托微波

擲米成珠妙術誇偶然遊戲到仙家塵心暫動宜鞭却鳥爪如何替爾爬

歲蕤羽葆玉虬翔東望崑崙是帝鄉曾過羅浮山下宿梅



花吹陸柳印香

乘風漫擬上瑤京借得仙雲一片輕福地洞天三十六不知何處住雙成

瓊笈閒繙幾卷經金絲闌小寫黃庭更求十二靈飛訣夜半書符遣六丁

瞥眼風雲足底騰成仙眷屬快飛昇笑他八駿周行遍可似儂家九萬鵬

遙空縹緲結危樓相約登臨覽十洲折得白蓮花一瓣踞波飛度海天秋

傳說雲房妙點金令人癡想到如今鍊鉛燒汞紛紛事可  
是真仙度世心

坎離吐納法俱諳擬踵羣真駕碧驂不盡情絲餘幾縷綠窗春老養華蠶

共掌嫦娥祕笈籤偶因回顧啓蝦簾謫來離恨天中住翻悔從前一笑嫌

珊珊仙骨荷金鏡閒劖松根上碧巖嫌却五銖衣太重宵來親製蕩絲衫

過露筋祠



斜挂蒲帆數幅輕。西風颯颯峭寒生。露筋祠外行舟過。殘雪欲消湖水清。

○邳州

百戰干戈地。河衝屬下流。人皆居釜底。堤欲罄城頭。

東阿道中

孤城雉堞亂雲環。舊是藩封采地頒。鴻影乍驚。鷺落浦。楚聲遙聽。度魚山。荒涼帝子遺宮盡。寂寞行人落照閒。欲拂壁塵題短句。才華七步愧難攀。

瓜步晚眺

斗星擺易星不

獵。西風向晚號如繩。沙路步周遭。長江倒浸斗星濕。孤壘危盤霄漢高。爭戰昔時埋斷鏃。轉輸此地集飛艘。平生覽古蒼涼意。豁眼江天涌怒濤。

舟過吳門訪屠次也。學之于臨頓。里出銅井探梅園。長卷索題即賦以應。

如此歲寒友。相思又幾年。枯枝低壓雪。疎影沒生煙。芳信申前約。春風結舊緣。銅坑千萬樹。幽勝夢魂牽。

○訪友

一路躡明月。深宵來訪君。前村遙吠犬。高樹密藏雲。燈影



當樓出書聲隔戶聞故關欣觀止把酒更論文

○塞下曲

窮邊秋色來獨上李陵臺笳鼓中宵競風煙大漠開戰聲  
餘鴈磧殺氣滿龍堆露布今馳捷誰誇磨盾和

題寓齋壁

誰從駒隙惜年華如夢韶光九十賒小立閒庭春又老東  
風吹瘦碧桃花

吳山登高和韻

誰將杜老悲秋意獨上吳山百尺臺暮色一江吹角起寒

聲萬戶搥衣來風塵落落餘蓬鬢身世茫茫入酒杯此日  
同遊俱少壯把萸何必更徘徊

次松雨坐雨韻

天意老春色東風特地涼况逢禁煙節彌覺落花香排悶  
頻澆酒徵歌或引商長城誰作手五字愧文房

別歌者潘尚麟

韶華回惜蹉跎問訊尊前近若何白雪高歌真賞少綠波  
春水別愁多餘情似柳千條密好夢如雲一霎過試問鴛  
湖今夜月可能流影照巖阿



樵李寓舍逢徐楚畹善遷同年酒酣話舊賦贈

嗟爾權竒個儻之雄才驂騶萬里風煙開燕市掉頭不肯  
住拂袖竟向嘉禾來嘉禾洵美是吾土面面樓臺對煙雨  
握手相看各老蒼貧士生涯君更苦君平賣卜事彷彿日  
日嗟與噲等伍楚畹精星命學扶術以遊羨君豪氣迴不侔黃金白璧  
輕諸侯家無儋石置不問輒復偕我城東遊城東鴛湖春  
水浮與君沽飲登高樓樓前落花飛片片隨風亂撲輕棉  
裘彎彎月出前山裏照入樓中皓如水湖光月色忽晃漾  
對此茫茫愁復起愁復愁分悲蹉跎手持金巨羅為君舞

嗟嗟深山大澤龍蛇多出沒牙爪相夏摩美人遲莫怨蘭  
芷山鬼窈窕衣薜蘿楚畹楚畹爾縱有舌如劍筆如戈造化之  
祕不可以盡洩辨才慎勿誇懸河文章游戲偶然耳輕薄  
已足干天和古來名士坐此病終終累盛德身軼軻飲君  
酒聽我歌爾圭有玷尚可磨斯言之玷將奈何嗚呼斯言  
之玷將奈何

登瓶山

獨憑堆阜縱雙眸一簣依然古木秋城郭幾重環短堞兩  
煙何處隱高樓蠡湖飛鳥孤蹤遠裴島浮雲獨客愁莫漫



登臨悲壯志管城骨相亦封侯

再別尚麟

難憑尊酒洗愁顏握手相逢兩月間  
飛絮光陰春乍老落花時節客初還  
離情空逐鴛湖水別緒重牽虎阜山  
莫更旗亭折楊柳卅年絲鬢漸成斑

寄家春橋

金渠茂才

屋梁落月轉愁余百里煙波嘆索居  
如水何妨交十載有詩便擬寄雙魚  
鶯花樓閣年華晚風雨江湖鬢影疎  
七十二峯青欲滴盡簾尊酒對清虛

宋小茗

咸熙

先生移居學署即事述懷次韻二首

冷署光陰幾昔過寬然宦海此無波  
路通一水移家便地讓三分種竹多  
略具酒釭謀祭竈先安筆研作吟窩  
此間天與清閒福臺省何須聽玉珂  
梧桐溪上水迴環舟楫何妨一再還  
拄腹讓公書萬卷及肩愧我屋三間  
閒雲偶出同袍繫化雨時教洗石頑  
一事未能忘結習吟壇健筆願登攀

湖寓述懷次小董韻

莫教鷓鴣費疑猜萬古胸懷此拓開  
遠水一痕搖艇去好



山四面入樓來。閒心便擬浮鷗國。捷足誰誇吐鳳才。更欲  
舉天外望怒濤。江上雪成堆。

虎跑寺用東坡重遊祖塔院韻

木犀已謝聞餘香。空翠飛來山徑涼。泉眼昔隨虎足出。松  
身今見龍鱗長。欲尋坡老壁詩讀。更坐維摩丈室方。轉恐  
巫山櫻俗慮。清泉一勺細烹嘗。

觀潮行

憶昔畫師陳蕉石。貽我浙江秋濤圖。素絹咫尺境恍惚。逼  
視但覺雲模糊。繪聲妙手世罕有。卧遊幾欲忘江湖。眼前

真景莫予覲。觀潮起色慙。今吾高秋八月。天氣爽鹽撥棹  
偕吾徒。海天一望。悉沙漲淺波。澌澌流泥汙。竒觀未克暢  
耳目。翻疑畫筆多虛誣。竭來養疴寓湖上。臥聞鼙鼓羣援  
槍。同人更復發豪興。肩輿江岸相歡呼。練光一綫起天末  
萬點白羽飛。銀鳧江流三折束。龕赭力逼巨浪。冲天麤奔  
騰萬馬。倒戈入飛揚。六甲隨霆驅。大聲震岬駭。萬耳眩眼  
一瞥爭須臾。我時酒酣氣亦壯。舉杯狂叫神靈胥。東門扶  
目恨填臆。餘氣迺欲吞三吳。或云後潮是文種。靈旗追隨  
長鯨喙。忠魂萬古不磨滅。直與天地同吸噓。興亡往事已



千載論古適形書生迂海門東望浩雲水三山縹緲神仙  
都不如去訪僊伶輩瑤島宮闕金銀塗洪濤萬里永相失  
倩爾畫師更繪真景來蓬壺

九日同小董毓圃家蕩船

振名

吳山登高有懷故園

弟妹

因君發清興扶病上高臺佳節重陽到一年秋色來心懸  
諸弟妹目極更徘徊把茱萸挿高堂笑口開

除夕病中聽雨感作

病裏逢除夕同雲鬱未開臘殘春色至歲盡雨聲來荒歉

愁生計蹉跎愧菲才哀鴻仍未已何以樂春臺

春橋出示春風草廬集率題長句兼懷錢夢琴

承啓

茂才

春風街前躡凍走雪花撲面大于手板扉兩扇急剝啄薛  
若相逢開笑口別君幾載長相思此來正值梅開時忽驚  
几按發光怪却是新吟一卷詩詩中忽忽感疇昔猶憶聯  
吟共昕夕山館春寒對玉梅草堂夜靜瞻蟾魄回頭樂事  
倏春秋鬱勃何人壯志酬空嘆子嵩常墜幘轉憐王粲獨  
登樓揭來假館具區上七十二峯屹相向萬頃波濤遠拍



天寫入胸懷自神王朔風吹雪竒境開冰山十丈排空來  
壯觀耳目得未有健筆欲躡韓蘇才賤子於世百無好更  
炊時滅梁鴻竈賸有吟情吐作芒屨觀醉態同埋照因君  
詩句發高歌幾度梅花三十過倘逢錢起相問訊為道相  
思積已多

病起即事

小樓春盡嬾高眠散步閒庭物態妍乍雨花如開蜀錦薄  
寒衣未卸吳絛消愁安得中山酒習靜聊叅上乘禪誰譜  
相思彈古調冥鴻飛斷碧雲邊

馬容海汶光祿過訪出示秦小峴司寇所題雲石山

房詩次韻贈別二首

相思今幾載乍見喜心生客訝雙眉白談霏四座清幽花  
含靜趣疎柳動離情為望爰山外江雲日暮橫  
愛此一卷石玲瓏太瘦生苔痕綠細碧樹影借餘清  
絲竹懷陳跡林泉引勝情何當來訪戴棹向硤川橫

題鴛湖話別圖送胡春如元熙學博歸石門

鴛湖新水足解纜釣鼈磯送君門去桑陰一路稀煙痕憐  
淡淡柳影轉依依更向樓頭望離情未忍違



朱研山 美鏐 秀才出示先世所藏墨跡因題其後

研山手持尺素紙云是先世之所遺古香妙墨發光采筆力奇挺蟠蛟螭自言檢得敝篋內繡暉玉躩重裝池書者爵里半蒙昧先世遺物宜寶之垣也先君雅游藝墨池亦

復揮淋漓金經貝葉手親寫

先君曾書四十二章經臨池之暇魚好硯材佳者輒手斷

之顏筋柳骨摹纖微趨庭暇日屢指授墨蹟慙愧多癡肥即令風水懷深痛斷幅零箋彌鄭重手澤長教斷硯留遺書時抱殘編誦君不見豪門積金盈千箱紛紛紈袴來諸郎怙侈不謹縱奢欲華屋轉曠荆棘場何似縹緲守世業

硯田歲歲母令荒豐年之玉登明堂青眼高歌神激昂

升山道中

逸少登臨地扁舟我昨經艣聲搖水白鬢影對山青禾黍中田積風波獨客聽轉憐未游踐極目望烏亭

孫節母詞為樸齋學詩上舍作

南山有女貞北山有松柏哀哀節母心請視貞珉石 一解  
我生不及拜節母母之曾孫得與友述母厥行碑眾口母歸孫氏年十九淑慎不愆曰嘉耦 二解 嫁夫六載夫竟死夫又無子母可死夫有两弟承祀祀 三解 投繯不絕母心



宛轉陸樓不絕母氣躍踊母之死生天地動舅姑飲泣勸  
甘旨賴婦奉四解有夫婦情無舅姑倫烏足以為人迺翻  
然悔代夫奉雙親五解天降鞠凶兩牀繼卒牀卒祀將絕  
迺易奩具為舅置蓮室六解枯楊生稊天畀舅以呱呱兒  
兒生舅沒母心傷悲宗人不仁藐諸孤將危思斯勤斯獨  
力以持七解叔生子能象賢撫為己子夫祧延年十八補  
弟子負母乃一笑歸黃泉八解桐溪之水兮湛湛其清節  
母死兮節母其生九解

○將之鄧尉探梅登舟作

夜登聽雨樓朝上水蘭舟遙想銅坑勝還思蠟屐游亂山  
圍客夢孤櫂撥春流從此扶筇去寒香樹樹浮

橫塘

扁舟出橫塘春波蕩泱泱薄陰送晚寒重裘襲猶怯稍見  
炊煙生知有人家集居民慕陶公運甓以為業至今市廛  
間甕牖相連接居奇貴精勤志學宜時習感此引長謠漁  
歌遠相答

香雪海

東風吹遙天萬里同雲絕忽驚空山中晶晶千堆雪目光



眩未已鼻觀香逾烈窄徑更前行花樹益繁密礙帽屢側  
脰絰衣時磬折爰登吾家山石路盤峰崑一覽白千頃銀  
波蕩詭譎我來妙香域色想空起滅試嗅十分春枯禪悟  
清微

西冷女史潘佩芳畫蘭為其嗣君研山題二首

靈滋挹清露微興托荃蘅本是衆香祖驚看妙寫生孤根  
高自浚幽態靜彌貞却喜庭階畔亭亭早挺英  
聞昔居都下曾將蘄石師名花傳的派遺墨妙裝池研北  
揮豪日陔南灑淚時椽栝留口澤展卷動遐思

○兩舟叔父招同王秋圃發孝廉費客槎觀吳多林彬

兩秀才集隱璞齋賞素心蘭分賦集蘭亭序字二

首

永日諸賢集時將及暮春同情懷竹契異地感蘭因是日

大少不至在挹風初暢斯遊跡未陳况當隨長者清詠足娛

人

幽興每無盡清言一快然地欣蘭室靜人異竹林賢懷抱  
殊今昔風流感歲年及時期樂事春暮况將遷

王小宋銓將之康化郡署項鞠隱烜司馬招同程雪



門需廿茂才家藕船集湖舫餞別藕船繪西湖話  
別圖紀事余賦一律

藕堤垂柳又堪攀樽酒論心得暫閒舊雨乍來千里外時  
宋自都畫船初放六橋間交情笑指明湖水別夢遙憐秋  
門歸浦山同是飛鳴年少侶畫圖未許動離顏

過小茗先生味三味齋出示思茗齋集攜歸卒讀奉  
題二首

按頭發光怪一卷讀君詩妙以扶輪手兼工織素辭懷人  
花落後詠史酒闌時學古傳家法淵源當在茲尊甫茗香  
助教有學

古集詩

交道文章貴頻來問字車起心鍊冰雪雅度佩瓊琚手八  
义方競書三味有餘知君耽鄭孔商權到經畬時並以所  
輯古周易

音訓刊  
本見示



存吾春室詩賸卷二

桐鄉沈炳垣曉滄

毘陵阻風謁蘓文忠公祠作

昨宵月暈生重光羣鳥啞啞飛危檣土囊噫氣莽一發勢  
卷沙石如靴糠東船西舫寂不語兀坐蓬底殊怛惶興來  
登岬躡凍走欄冰歷亂垂琳瑯顧塘橋畔試憑眺肅然席  
貌開堂皇辨香展謁拜祠下豈惟茲留甘棠昔公錢塘作通  
守德澤早已加吾杭浚河淘井興水利創造堰閘資隄防  
老葑卷盡二十萬湖心填築長堤長迄今士女競游覽六



橋掩映垂絲楊湖山絕勝有專祀春秋報享隆便嘗回憶  
我公生存日命宮遭劫磨蝸藏黃州一謫放陽羨買田擬  
終徜徉崎嶇嶺表忽萬里更嗟垂老投窮荒儋耳再貶住  
無屋結庵偃息栽枕椰花賭薯蕷供一飽困阨阨直欲呼  
彼蒼豈知七百有餘載沒世盛德民難忘公之浩氣塞天  
地大名豈祇傳文章作詩呈公公莫笑小子頌德非蠢狂  
夜闌風息解維去夢魂飛落峨眉傍

十五夜邗關對月有懷

一片揚州月多情照客舟光從今夜滿影入大江流逆旅

憐清况深閨動暗愁料應小兒女望遠更登樓

○渡黃河

甘羅城外扣舷歌無恙輕帆渡大河衣上早寒微霰集船  
頭亂響斷冰過西來濁浪徐洪險北望晴雲古嶧多明日  
長途賦行邁風塵勞頓悵如何

○次小董題旅壁韻

幽居未許任疎慵牛磨團團躡舊蹤塵海漫矜人似鯽鹽  
車誰識馬如龍地臨曠野風聲濶天壓同雲雪意濃差喜  
長安行漸近卜隣有約樂過從



趙北口

燕南趙北古雄關。獨客衝寒匹馬還。兩淀水光分黑白。一堤橋影跨彎環。鴉飛遠陣看初下。柳賸枯條忍更攀。羨煞扁舟老漁父。鑿冰聲裏釣竿閒。

移居石鏡庵用樊榭集中韻四首

鈴聲鞭影臘殘餘。塵海重來賦卜居。日暖紙窗飛野馬。雪消溝水入官渠。連塙喜對龐公宇。小董初地欣瞻釋氏廬。同廬翻憶草堂蘆渚上。年年蹤跡等樵漁。

禪悅論文喜大顛。一龕靜對古金仙。尋巢千里身疑燕。拓

地三弓屋似船。欲避塵囂門早關。為親燈火夜遲眠。書囊莫笑同懸磬。榆荚將飛十萬錢。

宣武門西路。曲斜縱教蝸寄。亦堪誇塙綠薜荔。猶餘葉檐覆。葡萄未放花。越樹吳山游。子夢粥魚茶版。梵王家故園。祭竈逢今夕。兒女燈前笑語譁。

地僻禪房寡。見聞漫從翰墨策。儒勳洗心白業。誰能爾曳履朱門。我豈云日下苔岑。欣結契天邊。鴻鴈悵離羣。春光轉眼瀛洲滿。可許枝栖杏苑分。

○寓齋與春舫小董夜話



曲徑蕭蕭掩華門。遙吟何處托荃蓀。殘花檢點春如夢。踈柳分明月有痕。逆旅情懷宜白墮。愁人滋味怕黃昏。十年懷璞空無用。翦燭西窓細與論。

次菊塍丈贈春舫原韻

高歌何意激蒼涼。滿目煙波富客囊。水國薄陰成小雨。山巒微靄上初陽。吟邊鄉思懷烏戍。夢裏家園憶濮塘。歸路莫嫌遊興寂。連宵試聽鉢聲長。

丈厲濮塘春舫家烏戍

舟行雜詩六首

頻年居故里。午日在他鄉。令節驚心過。孤舟攬興長。上燈

漁市晚炊飯。舵樓香。回首瞻通潞。人煙隔渺茫。

鷓首一登覽。四圍清。若秋樹翻風。力勁河扶雨。聲流壯志。魚悲嘯。遙情競唱酬。平生成底事。汎汎愧沙鷗。

曉起推蓬立。新涼到袷衣。爨煙初澹蕩。晨氣尚熹微。荒店人煙少。高田禾黍肥。勞勞行路客。應念故園扉。入夜彌清迥。維舟兀坐宜。星光搖閃閃。蟲語聽絲絲。芳意微波達。歸心遠夢知。祇應天上月。兩地照相思。

晝閒無箇事。人靜覺愁多。且飲魯壺酒。空傳齊右歌。虛名徒歷錄。歸計况蹉跎。安得青山隱。相將賦澗阿。



信宿任城道行程已歷千短蓬舟似屋長夏日如年霜燥  
慙吾輩風流感昔賢高樓自今古斷碣讀流連

舟次吳門訪樸齋於查氏復園出示雪樓吟興圖率

題二律

樓高百尺寒飛雪壓檐端之子多清興豪吟獨倚闌紅爐  
圍自煖白戰笑非難更喜名園住亭林積素寬  
園中早梅放訪戴我重来猶似留殘雪相於潑凍醅登樓  
抽秘什授簡愧蕪才何日騎銀鳳偕游瑤島臺

○臨平道中

臨平山下路日暮市人稀風帽客初立

高翥詩自披  
風帽過臨平霜林

楓欲飛水深龍洞杳絲嫩雉萼肥石鼓憑誰扣清聲出翠  
微

○渡錢唐江至西興

回首巖城雉堞遙固陵關外樹蕭蕭秋風隔岬傳鐘鼓盡  
日長江湧洑潮釋屣擔囊人待渡沿吳霸越事全銷此行  
欲攬千巖秀試問江家夢筆橋

○雨夜過錢清江

太守投錢處沔流徹底清獨憐孤艇客懷古不勝情遠樹



連雲暗漁燈。隔籬脚。愁聞今夜雨。篷背滴聲聲。

○ 謁大禹陵

隧道松楸氣鬱蔥。樞衣瞻拜肅神宮。萬方玉帛開王會。四載輜櫟奏帝功。窳石草荒埋古簡。梅梁春冷闕遺弓。芒芒禹跡懷明德。回首冬青一樹風。

題僊山訪道圖二首

疑是天台路。分明見石梁。煙霞一筇破。衣袂萬花香。喜復離塵境。須求辟穀方。神仙在何許。翹首白雲鄉。

洞天三十六。何處住雙成。欲問長生訣。先從福地行。身閒

僊骨健。境靜道心清。翻笑紅塵裏。勞勞閱此生。

○ 過雙修菴題詠百六詩卷

慧語吟成百六詩。靈飛小字界烏絲。春風百晦花如海。綠意紅情總未知。

惺忪繡袖禮經壇。空谷蕭蕭逗曉寒。人比靈芬更幽絕。階前瘦影幾回看。

踈鐘風細又黃昏。一榻茶煙鎖夢痕。昨夜分明到香國。落花如雨閉禪門。

精藍小築蔭杪樞。省識春風畫裏多。湘水迢遙三百里。吟



情何處托微波

○又題空山聽雨圖二首

落葉冷空山。幽人此閉關。雨聲一夜急。雲氣九峰環。入聽諸緣靜。清修獨坐閒。料應塵耳洗。樹杪更潺湲。

維摩方抱病。問訊叩柴扉。小閣燈初上。疎林雨亂飛。聲聞

參耳觀。空色泯心機。曾把金經寫。芭蕉綠四圍。時以泥金書無量壽

佛經

小山叢桂圖為巖詠樓繼序姑壻題

園林無雜木。秋至興清閒。絕愛扶疎樹。相依大小山。霰飛

香。自古苔緜石非頑。會得吾無隱。參禪坐此間。

秋樹讀書圖

南面居然擁百城。園林瀟灑足怡情。樹圍蓋影千尋老。秋心書聲一味清。亂葉打頭人坐地。古香觸手架連楹。輸君萬軸琳編富。不遣紅蟬碧蠹生。

偕夏夢禪丈訪朱粟山學博留飲贈別粟山官黃巖時以省試回

里

海氣隱孤城。城頭畫角鳴。開樽令雨集。剪燭別愁生。鬱律劍橫氣。低徊詩寫情。羨君頭未白。薄宦已先成。



乘風破浪圖曹亦泉瑒表弟屬題

身不願封萬戶侯手不願搥黃鶴樓但願常作千里萬里  
游長風浩浩健帆力浪勢十丈高於舟舟中年少殊瘦削  
開拓心胸氣盤礴要從蓬島問三生不向塵寰插雙腳海  
水立兮滿洶驚百怪兮魚龍臨危登高古所戒以身嘗險  
誰汝從縱然險絕亦奇絕豈必圖畫唾鶻突船頭白浪涌  
奔騰舵後青山去飄瞥我更願隨太守來北平彎弓射虎  
霹靂聲耳風鼻火相向生君使船我使馬如此快意差亦  
可壯志飛揚尔與我

似可刪

伯藩歿已兩載欲哭以詩而心緒傷慘舉筆後輟頃

聞其滴翠樓藏書數萬卷悉歸他族新愁舊痛交

觸於懷率成五首

屈指盟車笠於今十七年惟君乃知我此命竟難延好友  
不多得平生誰復憐千行揮淚雨流不到重泉  
樽酒論文日曾登滴翠樓證經繙六籍設史縱千秋疑義  
同昭晰陳編共校讐回思當日事歷歷在心頭

歷歷我能記茫茫君莫知枉教留手澤徒與費心思聚蠹  
防三食闕情借一瓠

君藏善本甚夥  
余曾借校數種

父書應有讀伯道苦



無兒

無兒猶有母誰與侍高堂白髮悲衰暮黃泉隔渺茫迴思  
應腹痛遺語倍心傷斷簡飄零盡空餘長吉囊

詩卷留天地斯人有定評

時校選其楹語山房詩集

讀書懷大志交友

見真情婚嫁無兒如功名竟死生流杯亭畔立絮酒不堪

傾

題吳菊裳春江放鴨圖三首

正是春江水暖時無邊新綠漲參差與君畫裏懷陳跡載

訪東園乳鴨池

池在石門鎮後為宋張氏園遺跡戴石屏詩乳鴨池塘水淺深是也

萍葉初生水鏡開是鷗是鷺莫疑猜東風何苦重相逼吹

皺一江春水來

傍母眠沙意態工水禽高格羨鳧翁蘆花灘淺船休泊恐

有旁人射竹弓

團扇詞

七寶合紈扇團樂生光輝從風入懷裏動搖相因依本期

共合歡中道忽捐棄君恩固甚深無奈秋風至

題黎雪樓明府相陰坐讀圖

桐華落溪上水比長官清但解弦歌化時聞誦讀聲購書



常割俸折獄貴矜情恰值訟庭暇鏗然琴一鳴

題馬二坵瀛上舍花間評畫圖四首

紅薇初放間新篁名士於今有辟疆

圖景仿冒辟疆先生照

未展畫

圖已心醉古香滿紙又花香

贗本流傳久失真叢殘繡紙倍精神花間更補畫徵錄絕

妙彌加有替人

吾鄉博雅推朱十曾和中丞論畫詩一樣鑒真雙巨眼前

賢恐畏後生知

玉鴉又小展筠屏無數雲煙眼底經我更羨君讀真畫一

樓遙對史爰青

吳香竺舅氏以捕盜功擢州守將自都中還嶺南任

紆道里門話別恭送二首

大雷書遠寄高堂問訊重勞返故鄉一室團樂欣骨肉千

秋著述擅文章

出示北行集借錄軒詩

深杯緩緩斟醪綠離思悠悠

感乘黃宅相自慙稱阿士可能懋績繼循良

三年澳海戢鯨波薦刻書名列上科心跡早清官况沒頭

銜特擢

主恩多春回嶺嶠蒼茫遠雪滿鄉關次第過珍重柴荆臨



別意瑰瓊莫贈愧如何

題嚴小漁

繼光

表丈負笈圖即送之浦江廣文任

奔駒無留影逝水無回時  
願茲有盡身奮焉動遐思  
獨學懼孤陋負笈焉敢辭  
皇皇問學心崇業追良師  
繫君抱令質卓犖挺英姿  
昔歲謬同研敦好書與詩  
睽違閱星霜依然愧荒嬉  
一再上京邑冠蓋盛光儀  
豈乏賢公卿末學無由追  
翩翩歸林翮息羽仍卑枝  
徒切負米情已覺擔簦疲  
何如作冷官秉鐸擁臬比  
浦陽亦文藪鼓篋諸生隨  
素抱庶一展風教賴維持  
圖中別君面此意鄭重期



程